



謹齋詩稿

淮海 許志進



己亥年

江舟書興

陰晴日日費推排
江上停雲鬱不開
凍雨冷兼殘雪落
歸潮響挾斷冰來
一冬雷電占天運
幾日春山共酒杯
身事悠悠托烟艇
忘機沙鳥莫相猜

曉發

聽斷春宵雪
江風試淺晴天開
青鏡曉舟傷
玉山行無
復流澌響
空聞歸雁聲
報書知近遠
纔到廣陵城

己亥年稿

今夕

海天新月曲於弓別思悠悠水榭通今夕酒杯雙勸處
照人珠樹夜燈中

畫帳

藤牀七尺帳如弓夢繞梅花影暗通領略西齋三宿意
對牀燈火上元中

即席

入春纔得好情懷快友徵歌取次來醉面紅分燈燭影
月華明傷管絃開神仙酒色英雄事鍾鼎勲庸鬢髮催
且與少年成痛飲壯心搥鼓響奔雷

題畫

疑是羅浮夢裏身年華占斷一枝新綵幡風信知多少
試問凝妝障袂人

曉過露筋

春帆開畫舫安穩信輕颺客被孤眠熟沙隄曉日遲落
花寒食雨新柳露筋祠冰雪三更路今來又幾時

問蒿亭疾次韻

晨叩子輿門櫻疾忽逾月攬衣爲我起古藤支瘦骨貧
病鬱幽憂伊人豈天兀窮年獵書史脂髓防耗竭悟來
糟粕空妙解超以越澄懷內觀我虛室道味揭形骸委

土木萬事隨所闕佳兒能讀書對客恰勝謁循環化人
言餘生喻捨筏回頭縈世網幾人甘泪沒飄飄五岳游
作健意未歇我亦逃空虛相期餒藜蕨

附錄

春候忽云徂負疴積旬月庭草感華滋潛憂鑠肌骨
頽齡伴鶴癯瘦骨抗山兀夢魂無由攄膏血將愁竭
鳴禽送新聲支枕意超越萬類尚有托孤抱迴難揭
蟻鳶任所親藥餌况屢闕諸兒繞牀頭謂我事請謁
我念古達者生死等虛筏蕭齋衆籟清喜見屐齒沒
平生文酒交誰歟慰消歇因風緬同懷終當採薇蕨

真江舟中示臚先雲章諸子

真州池館寒潮水畫舫風簾信宿間幾夜月明何處笛
一肩春色數重山桃花歲歲如人面楊柳依依共客閒

尊酒論文消晝永隔城兵甲闕江關

時發浙兵戍滇所
過州郡頗驚擾

西郊

篋輿鴉軋轉西郊花柳春城亦未饒何處郵亭褚家堡
褒城驛記說孫樵

遊黃岡宗伯真城別業用前韻奉懷西澗憲長

東城圖畫遊緬想積歲月頽垣敞簷牙老樹攫山骨卜
築意疎嬾鬱鬱久誰兀杜陵浣花業羞澀客囊竭

先是西
澗議以

此園歸
余未果

三峰拂水招東望神飛越豈期芒鞋底異境倏呈
揭蕭然松石趣濠濮在城闕歐陽畫舫醉晉國午橋謁
多時虛劔履邈矣謝津筏春水茁蘆芽空饒鷗鳥沒懷
哉典型存未歎風流歇何當三三徑荷鋤劔葵蕨

胡宗伯歸葬挽詞

宗伯奉命督
西餉歿於軍次

萬里沙場歿孤魂素旒歸裹屍真馬革典禮亦戎衣謀
國餘公論籌邊靖殺機桓碑江漢水勲業重金微

兵船行

去年至夜鳴天鼓烈風雨電知天怒二月譌言傳地驚
江南日落馳陰兵

去年句容一帶皆有
之俗謂之地驚云

雲車鬼馬不知數蹴

踏黑霧西南行天山黠鹵久負固三巴六詔嚴增戍吳
越期門舊養閒大船徵調臨江關千羣虎兕競攫食村
落婦子逃空山吁嘻乎流沙萬里渺何許大江春水揚
波瀾

夜至三汊河

薄暮白沙路牽舟曲港迴春星隨岸轉江月送潮來烟
暗隋隄柳山遙魏帝臺殘燈三汊水孤塔影崔嵬

和天飛韻寄雲間守二首

清時却放使君閒遠害宜居木雁間百萬貔貅尊獄吏
三千粉黛妒紅顏但教同見心如日不信難移案比山

井底幾人煩下石可知天道有循環

問青搔首重披雲狂吠狺狺犬紛醉罵向輕程不識
夜行能困李將軍無多伎倆忘山鬼不死恩綸荷 聖
君睚眦報人堪一笑明珠薏苡古今聞

寄樹百孝廉兼懷開藩會符天飛用前韻二首

客路同消幾日閒士龍文采照雲間堂虛海石淹詞賦
夢斷烟波改鬢顏圓泖秋菴思放艇橫雲別鶴怨空山
吳淞最憶江楓冷新月彎彎似玦環

十年才氣抗青雲六籍梳爬整放紛物論敢云歸大雅
詞壇差足張吾軍品題風月從諸子縱浪烟霞不事

君東望海門潮信滿悠悠魚素隔江聞

廣陵晤李九書山酒次言懷因以贈別兼寄尊人

仍前韻二首

繫艇同追一日閒蕪城春色水雲間半江海月耽尊酒
三載京塵老客顏薪膽苦心曾霸越斧柯壯氣竟移山
塞翁得失誰能料耳熱談深說賜環

醉揮鳴劔撥浮雲愁緒纏綿別緒紛玉為剖山頻見刑
碁成敗劫不能軍江風湧浪如留客水柳飛花為送君
寄語故人須強飯平安消息一相聞

江上

平沙芳草綠依依繞樹楊花點客衣潮掠斷洲春水滿
帆輕孤艇午風微青山坐對軒窗走白鷺閒看帖岸飛
記取去年冰雪夜箬篷斜掩蠟燈輝

風檣

風檣戰艦各分旗戍卒千羣挂鐵衣轉餉重勞籌玉壘
捷書可是報金微熊羆江左投戈老鷺鶴滇南攫肉飛
好識太平休養意莫教捲甲更來歸

前年秦中某將領兵出塞以天寒糧盡而回蜀

兵亦如之

江村

盡日楊花雪飄飄點客舟雲排青嶂出天闊大江流燕

傷軒窗語魚依落藥遊江村好風景吟嘯得勾留

江舟玩月

誰教碧落三分月散作江臯竟夕明浩蕩水天同一色
蒼涼風露欲三更羽衣玉笛非人世香霧雲鬟軫別情
索句難消今夜酒安排歸夢旅魂清

蕪城寄遠

廣陵花月小勾留望遠懷人倚舵樓三日輕陰歸夢杳
雨絲風片迴添愁

贈別

探梅載鶴誤前期繡被爐熏惜解攜表浦酒卮茅店月

廣陵春雨晚潮雞搔頭胡粉諸郎去畫舫垂楊旅夢迷
一棹邗溝嗚咽水王孫城下草萋萋

舟至燕子磯有憶

山勢鎖江門烟嵐互吐吞風柔飽帆腹灘漲沒蘆根記
踏孤亭雪同傾歲宴尊鶯花春色晚離思一銷魂

登燕子磯

每上磯頭望興亡繫客情六朝飛乳燕三月語流鶯江
水生潮滿山花笑日明石城樓閣迴廢堞與雲平

江郊

江草江花繞石城家家梅杏子生成可憐綠遍沿隄柳

只少黃鸝三兩聲

莫愁湖上

湖上垂楊蘸碧波依依無奈別情何石城艇子空雙槳
牽惹春愁此際多

秦淮雜詩十四首

淮干新柳鬪蠻腰春水纔平舊板橋好是綠窓人睡起
畫船風緩不須橈

○ 日色波光動畫簷曉妝冰玉映春尖水天青鏡蛾眉影
盡意梳頭不下簾

灼灼東風第一枝春尋雖晚未嫌遲重來渡口歌桃葉

恰是成陰結子時
水閣風清獨夜情
春城歌吹寂無聲
月明虛幌三更冷
好夢驚回鶴一鳴

情話深憐別意難
此行輕作破題看
憑君夢繞秦淮水
明月春潮重倚欄

夢斷春閨水閣虛
柳風梧月渺愁余
如何玉樹瓊枝地
獨對蘭缸詠索居

赤鳳多應爲姊來
停杯薄醉且虛回
愁心點點今宵雨
知定含顰怨鳩媒

巫峽行雲現在身
畫裙風動惑歸人
懸知後夜相思夢

只在高樓淺水濱

琵琶滾遍急春尖
歌調疑翻阿雀臨
奇怪酒旗燈舫地
鳴鈺擊柝乍森嚴

玉腕銀環握別輕
高樓人去月空明
無情鐵笛驚孤夢
夜半吹成腸斷聲

落絮飛英意不堪
春歸又見月初三
晚妝怕學蛾眉淺
堆上愁痕掩鏡函

姊妹相攜坐畫樓
一彎新月似簾鉤
宜男未是忘憂草
知惱蕭郎愛遠遊

坐擁名花水閣邊
洞簫吹徹晚涼天
秦淮一夜淋漓雨

薄被凝香抱影眠
烟水輕盈沒骨枝
洗將妖豔逞天姿
何人領取清涼意
月白風疎獨笑時

秦淮寄遠

借得陳登百尺樓
秦淮花月歎離憂
擬從百代論騷雅
只少伊人與唱酬
天暗三山雲化水
窗虛四月夏如秋
綠楊烟景空濛裏
風笛依依亂客愁

文藪饋鄭茶

夾漈春深到鄭茶
小爐活火試清嘉
平生浪說雲龍餅
真味何如鳳尾芽
典禮久虛銀合賜
生風擬向玉川誇

一杯自軟青溪水分餉
猶堪及絳紗

題鹿山觀察讀書秋樹根卷二首

古者敦仕學入官皆通儒
漢代重明刑聽斷援詩書
緬自世道微捷徑躋華廡
區區兔園冊皓首將焉如
先生湛經術精白濟時須
退食手一編蕭然意有餘
秋林無雜樹水竹澄空虛
青山脊白雲佳氣溢眉鬚
清靜生道心慨焉追黃虞
應嗤蕭曹律遠遜臯陶謨

少也謬通籍每恨讀書少
致君堯舜意樹立殊草草
嬾漫不自強筋力倏將老
披圖一愧汗俯仰櫻懷抱
那無插架軸糟粕恣酣飽
廿年桑榆收膏晷窮香眇
買山

志未酬愛此園林好秋樹風蕭蕭白石淨於掃無人爭
此席縱心超物表南面百城尊真味足幽討

白門喜晤直上閣學率有贈言兼柬劉侍御李觀
察吳太守胡文學因懷芝山洗馬二首

江山蟠金陵風物自清淑金粉餘齊梁園林饒水木瓊
枝璧月地歌吹咽華屋比來七十年遷變殊陵谷殘山
兼剩水流峙此拳掬止應物外人杖履尋幽獨先生濟
時彥參贊凝旒穆密勿討餘閒抽身狎樵牧雲烟怡道
貌魚鳥親野服存歿幾素心懷舊追輦轂文章托後塵
冠劍彈疇夙悠悠山水緣新詩載賡續

鄴侯神仙侶文酒娛官衙延陵坐嘯姿譽望清且嘉越
石挂薦冠一往餐烟霞區區山野性江海思移家把袂
得彭錢樂思殊無涯况茲山水窟首夏風景賒弔古望
陵闕攬勝耽烟花銅山答豐鐘蕤賓應琵琶止憐修文
人謂芝宿草音塵遐千里有名駒驥首邁騶駟裁詩感
今昔風柳鳴疎鴉涓涓秦淮潮新月侵簷牙

贈暉張二子

崇嗣繪事變徐熙沒骨最於花卉宜七百年來傳絕學
南田設色生妍姿鼠姑將離妙渲染着紙似折春風枝
諸孫晚出得家法筆花文采驚臨池江臯貽我好粉本

風荷泣露紛披披別寫東籬三四種亂頭麤服香參差
同調張君亦敏手虬松翠竹呈瑰奇夙昔聲華騰輦下
南田筆墨爭毫釐人生一藝須盡善成名豈必非吾師
眼中二妙冠江表可惜落落無人知君不見葉公好龍
却驚走世間恨事多如斯

清涼山下園林二首

芒鞋青竹百錢游未怕人間識故侯春盡園林花更好
一杯閒聽鳥鞦韆

閒園竟日少人過獨對溪山野趣多醉眼迷離雙白玉
花間吹笛送清歌

聞學士先生納一麗人戲柬

南國妖姬豔出羣潛裝金屋貯行雲伶佻未老耽通德
宛若多方習少君角枕懸將明月照舞衫攜得御香熏
野夫健羨燈花會桃葉歌傳渡口聞

孝陵感事二首

寢園無主徧蒿萊御札重頒紫氣開七十餘年風景
異屢煩天使送香來

是時 皇太后祔廟遣官行祭告禮

薄葬深煩學漢文興朝典禮祀明君雲開御路迷叢塚
草沒荒原散馬羣

金陵雜詠十六首和嵩南學士

虎踞巖疆鼎足基難從興廢覆殘棋江分南北開天斬
山隘齊梁畫地維王樓船沉鐵鎖黃奴宮井宛臙脂
石頭形勝空軍壘惟有烟鬟似舊時

勝日新亭拭淚痕神州勦力止虛言一杯自勸長星酒
九錫空加短犢轅山藪包容尊庾亮海西惑溺恣桓温
昌明舊識東堂恨滿目山河落景昏

凌風千尺俯晴暉突兀江津鎖翠微險阨孫劉收北顧
春開王謝故南飛泥融剩壘歆山樹尾掠滄波濺石衣
幾度登臨重懷古帝鄉花柳正芳菲

城下重湖浸太清山間風雨說雞鳴陳宮故埭烟花暗
蕭氏諸陵草樹平閱武堂空人折柳重雲殿圮鬼要盟
遊人漫話興亡事十廟楓林晚葉明

同泰經聲罷講筵東堂兵甲勢轟然半杯蜜汁饒喉燥
一曲琵琶醉魄蠲乍可麪犧甘廢祀焉知肉餅亦安禪
墻傾埤堦危城盡月冷華林叫杜鵑

江抱山城萬瓦低清凉界與白雲齊鯨鏗近接雞籠出
螺翠遙連雉堞迷事閱六朝捫蘚碣風清一拂躡丹梯
石欄莫認陳時井結綺蓮踪未可稽

城畔溪流一道斜山橋水榭劇清華遥遥王謝烏衣里
簇簇笙歌舊苑花此日難尋江令宅他時豔說段侯家

美人黄土空池館疎柳搖風噪暮鴉

千年法物考遺蹤尚有虬枝亞一峰寂歷臺空丹穴鳳
陵嶒石護六朝松久辭繩削含元氣飽閱興亡睥德容
莫訝喧卑近塵市晉宮吳苑草蒙茸

巖嶨危磯衛建康上流兵甲控荆襄一夫荷戟金城固
萬里朝宗海道長赤幘然犀中壘壯宮袍捉月謫仙狂
飛來莫訝韓擒虎釣艇曾將弱線量

通江潮掠古淮濱碧樹紅橋不染塵金粉凋零簾幙影
鶯花愁戚管絃春胡牀邀笛風流盡桃葉徵歌月色新
千古銷魂後庭曲酒船燈火聚遊人

山纏南郭勢紛糾鬱鬱龍蟠帝子州草沒烟汀翔白鷺
雲含雙闕動牽牛西陵劫火悲殘燒姑熟戈船控上游
問道嬾融林壑異祖堂花發一尋幽

梅花深護萬松間驢背酣吟一日闕寶誌梵筵餘古塔
蔣侯祠廟冷空山巖城牧馬漁樵路落日吹笳虎豹關
惟有一泓功德水照人清澈鬢毛斑

厭勝金多紫氣銷空餘陵寢鬱岩堯百年文物追三代
再世興亡繼六朝松檜寂寥經剪伐江山拱護尚迢遙
風雲龍虎聲名地關洛移都計未饒

石磴千盤澗壑幽碧山如繖卓江流參天翠幄環鍾阜

蘸水花宮抱蔣州佛面雲光迷鳥道松巔濤響撼僧樓
紫峰舊侶知誰在悵望餐霞許遠游

琉璃金碧湧浮圖為問恩多報得無春色九重明梵苑
秋毫一覽盡皇都燈搖舍利含阿育寺冠長干改赤烏
咫尺雲光花雨散荒臺百尺冷烟蕪

木末亭高烟靄空金川舊恨起悲風投荒老佛歸黃壤
貫日忠魂化白虹長夜空山啼杜宇至今故鬼怨周公
王孫南渡蟲沙盡芳草連天返照紅

送別彭閣學入朝

東山遊倦袞衣歸且喜蒼生望不違舊相詔回司馬入

新人迎得莫愁非香温賜被雞鳴早晝永堂餐玉漏稀
莫謂拾遺從宰執強教野服廁綸扉

飛來船歌 有序

衡山芙蓉峰有石船焉亂石駕之空懸不落蓋篙楫皆具也禹峰彭
先生以庚寅來游戲謂此石飛來終當飛去因題記石鐸明年三月
雷雨大作船忽不知所在道士以告
作詩記之直上學士語余因作是歌

雲漢一水界中天女媧鍊石為天船篙檣雖具無人掌
明星幻化橫山巔黃頭三老踏不得蓬萊水弱風作顛
禹峰先生人中仙天門叱石非偶然雷雨一夕裂厓石
此船飛去凌蒼烟帝涉大川要舟楫船星依舊光台躔
山鬼目眩詫奇事緇黃汗走喧相傳石船本非濁世物

祝融石廩空高懸或言頑石不宜舟安得久繫南山頭
豈知神龍劃九州巨靈掌跖山間留藏舟於壑夜半走
齊諧志怪誇莊周神人鞭石石流血我舸芥視坳堂浮
兩戒山河運掌股揮斥八極爲天游區區舴艋吹呖耳
鮫人龍伯非其儔奎章學士五岳遊北恒東岱中嵩丘
身作津梁濟明主明堂封禪終何求君不見武夷石
船不飛去多年且閣荒巖陬

池館

池館風清夜不眠倚樓重見月痕圓筆牀茶竈花光裏
笛韻歌喉柳浪邊留客淺斟重碧酒裁詩多劈衍波箋

冶遊欲近天中節紅燭金釵滿畫船

題秦淮閨秀畫扇四首

唾絨紅豔漬成花雌蝶雄蜂舞翅斜惆悵江城春欲老
遠遊夫婿若爲家

繡線名花鬪畫圖人將麗色比羅敷忘憂戲寫宜男草
難說佳人自有夫

紅閨春色兩依依芳草王孫去不歸粉老滕王雙蛺蝶
背人偷染嫁時衣

秦淮用楫歌桃葉洛水濺裙詠柳枝此日空憐霍小玉
他時誰嫁蔡文姬

前志山言郭聖僕先生二妾余系以詩項陳生言
先生以甲申三月之變闔門男婦悉死井中則
二妾殆殉節矣敬爲此詩以謝唐突兼示志山
美人泉下忍相捐分跨文魚伴水仙羞殺陳宮張孔輩
胭脂辱井是何年

雙龍圖歌爲文敷題所藏畫軸兼呈鹿山觀察鮑
齋太史

太守寶愛雙龍圖學士爲詠雙龍篇城烟溟濛挾雷雨
篇中圖上爭蛟涎夏禹舟前見鱗甲尼山屋角看騰騫
圖畫崢嶸頭角露奔霆掣電紛糾纏一龍挈攫一翔舞

奮然鼓鬣相周旋爲帝作霖蘇江天馬銜遁匿蛟蜃遷
我怪乖龍不肯起領珠獨抱空山眠地天方戰元黃血
區區燕炙非垂涎此圖非見亦非潛妙手得逢張僧繇
飛天破壁真其年世人見龍乃反走葉公大笑將母然
豈知神物變化一絲絃洞庭雨工誰得鞭君不見三山
雲接龍江水詩成夜雨鳴飛泉

是夕大雷雨

秦淮燈舫詞四十首

午日燈船事久蠲太平點綴又今年金陵自古繁華地
莫問笙歌費幾錢

垂柳陰陰映板橋紛紛簫鼓送蘭橈銀燈畫舸剛平水

正及初三大信潮

符帖催來一水涯依然妙選自良家競將歌吹邀明月
豔簇燈花鬪彩霞

分曹銜尾蠟燈移水樂滌洄漾綵旗自是昇平餘習在
不將商羽入宮詞

古調真宜隸太常靈鼉拍板笛悠揚破聲不是龜茲樂
錯認南朝舍利裝

張飲家家水閣邊六朝風景畫簷前釀金豔作燈花會

斗米何憂直萬錢

庚寅歲稔 上命使者十輩發漕粟賑之使者索燈船
為樂士民好事者競為張飲使者笑曰如此樂雖斗米

憂乎
萬錢何

葵榴的的映垂楊半是柔鄉半醉鄉眉黛臉波燈影裏
水窗風軟試甜香

湘紋半捲碧烟窗無數妖韶逞靚妝最是 翠華臨幸
地移船都繞 御河房

璧月瓊枝舊所誇諸郎愛唱後庭花迴船橫過青溪柵
把酒齊澆張麗華

火樹星橋亘彩虹燈船舊列水西東笑他冷落閒池館
杼軸人家一半空

三十年來憶舊遊曾隨警蹕泛輕舟龍艘鳳舫蘇杭樂
鼎足風流自蔣州

酒艇歌航日日過
搖金漾碧動晴波
可憐一片秦淮水
斷送風光此地多

十日笙歌繞泮宮
環橋觀聽此時同
吹晴五月黃梅雨
歌轉三橋柳浪風

錯落明燈射畫簷
樓頭水底色相兼
弄珠神女知多少
照徹江天鏡半奩

燈船占斷秣陵春
笑煞揚州步後塵
草草紅橋三十舫
真成奴婢學夫人

絲竹聲喧羅縠叢
天中節物故鄉同
冶游兒女關情思
牽引閒愁客恨中

忌辰曾改 千秋節
歲歲銀臺罷水嬉
此日北郊齋禁

肅達官遊賞不相宜

五月初三日為仁孝皇后忌辰 上以是日罷銀臺之宴而今年午日夏至初三四乃上致齋日也

水天吹徹玉笙寒
半雜幽并小契丹
別有虬髯矜顧曲
琵琶箏阮一齊彈

水調歌頭怨不勝
江南舊曲古今情
金城玉壘西征急
莫唱涼州塞外聲

綵幡分隊繡簾迴
十番歌船斷續開
邀笛步前人不識
畫橈肯與打招來

燈舫迴旋謂之打招但逢張燈鼓樂者即為之不論識與不識也

烏衣巷口夕陽晴
桃葉誰家打槳迎
亞字欄干簾幙影
衣香人語未分明

蜃氣樓臺湧碧波一天星斗浴銀河夜光明月無人管
歌吹聲中弄彩多

叫喚轟飲劇憑凌袒襲呼盧最可憎可是歌船稱好事
姬人伎樂雜雛僧

炎歎水面失隆蟲別奏清商細浪中解意拂船金線柳
東風舞遍又西風

水底銀花一丈強天邊流火落星芒中秋元夕歸歌舫
兼有燈光與月光

舊苑佳人自昔聞明妝此日競濺裙如今看遍魚龍戲

只少凌波水戰軍

前朝舊苑姬人此日張飲於秦淮兩岸綵棚畫舫
歌舞角勝國初猶沿舊習自駐兵後此風息矣

為趁燈船日出遊但言歡樂莫言愁南朝舊是無愁地
多買醇醪上綵舟

玉管檀槽薄暮催山城細雨入簾來不辭香霧雲鬟濕
笑倚清歌勸舉杯

燈舫還家伎樂停何人吹笛到三更笑他縞袂西鄰女
尚有鳴機促織聲

雲暗山城夜次溲無眠聽徹雨聲囂明朝畫舸新晴出
添得清淮綠半篙

厭聽淋浪夜徹明秦淮水滿午餘晴天公會得遊人意
不礙張燈載酒行

珠斗闌干拂玉繩
畫船歸盡水天澄
玉笙吹落西樓日
尚有琉璃塔上燈

水天百客宴高樓
午日詞人說勝遊
百韻草成金釧飲

祇應司馬擅風流

合肥龔芝麓先生午日秦淮集客杜于皇醉草燈船百韻一篇一座歎稱先生徹席上金卮為壽顧夫人

脫金釧
佐之

香君紈扇絳桃枝
公子秦淮縱酒時
却笑停歌兼滅燭

夜深光祿畫船移

侯朝宗陳定生輩携妓會飲夜半酒船盡散阮大

詬大鉞吹燈
滅燭而遁

清淮桂楫幾週遭
長夜流連酒不消
烟景最憐城北好

燈船不過阜成橋

行樂何妨一國狂
曾聞五月入弘光
秦淮日夕呈歌舞

却笑江干是戰場

山鳥無煩喚奈何
齊梁遺事此間多
小樓昨夜東風起

聽徹陳宮玉樹歌

龍舟此日競喧闐
豈為懷沙弔楚原
寄語騷魂成一笑
滿腔離恨不須言

自是多愁善病身
狂歌痛飲易傷神
衆賓皆醉吾仍醒
祇恐三閭冷笑人

倦臥陳登水上樓
笙歌沸耳日喧啾
老夫自哂非胡賈
多作秦淮一月留

訓友二首

百代清門有房杜世家餘烈失蕭曹弓刀逐鹿勳臣略
鉛槧雕蟲處士操抱膝自成梁父詠賃春應軫伯鸞勞
美人香草心期遠九辨悲歌和楚騷

人倫有道堪師表元禮同舟羨得仙磔蝟虬鬚人比嶠
藏書經笥腹如邊五言家學長城壯大曆才名冰柱傳
黃鶴樓頭崔顥在故應低首是青蓮

夏日入清涼寺訪梅嶼作

步入禪聲愛綠陰午鐘鳴處梵天深樓臺高敞山初盡
几榻清涼暑不侵鄭俠書堂餘彷彿莫愁烟樹遠蕭森

未須話古增怊悵把酒論文十載心

附錄和詩

香臺坐愛曉雲陰足響何來谷影深風月襟懷禽鳥
悅江湖踪跡薜蘿侵庚申學廢全身懶丁卯詩成萬
象森商略名山千載業一杯猶見古人心

新秋寄遠

多時尚作賈胡留厭聽歌聲水上樓十日炎歊成伏枕
一天冷雨變新秋飢鳶腐鼠鷓鴣笑海燕金堂少婦愁
聞道湖淮同汜漲烟波浩蕩有歸舟

燕子磯阻風和韋齋二首

一夕清飈暑氣空依然擊楫大江東且紆阮子登山屐
不借張王送客風遠岫迷離雲氣白驚秋蕭瑟晚林紅
孤亭極目烟波冷竟日勾留翠靄中

山鳥山花亦友于打頭風豈怨窮途故人吟嘯經年別
烟水憑凌隔岸呼柳外吹簫忘繫艇村邊沽酒趁當壚
舊曾雪壑多時住

去年歲暮十日阻磯下

冰玉千峰擁座隅

韋齋疊韻見投再和二首

最愛危磯聳碧空泊船常近小亭東濕雲欲送山城雨
涼氣偏生柳浪風濤湧鮫宮崩石動蟬鳴秋寺野花紅
通淵洞壑堪逃暑悵悵淹留客恨中

韋齋避暑通淵洞中彼此乃未及相聞

笛聲吹徹小單于風雪梅花此問途

謂去年阻風事

沙燕忽驚秋

社別雲鴻記帖水天呼宮商細譜翻新曲嵇呂重逢訪
舊壚十日涵虛軒外飲

丙申客淮事

未如留戀石城隅

梅嶼數輩拏舟追送至磯前三更矣呼酒夜酌拂
曉而別用前二首韻

江潭列宿浸寒空夜半披襟濬壑東命酌便成河朔飲
停船不問石尤風憂天醉拍台星暗話別心驚曉日紅
最憶山城遊賞地茶瓜詩酒劇談中

僧樓水榭兩于于猶喜仙舟及戒途枕藉夢殘風露冷
杯鐺興發夜燈呼石城館外宗雷社燕子磯前阮向壚

六代風流巖壑在只餘清韻滿山隅

湖水大漲放舟紅橋即事二首

一水雷塘路瀾漫放艇行涼颼發荷氣深柳貯蟬聲山
爽知秋入禽幽和雨鳴古來遊冶地鷗鷺此時情

是時居多在水中

水闊蓮增豔隄沉草自青林塘迷古寺烟雨失迴汀城

堞仍三版山泉且一瓴隋皇餘柳在寂莫暮園亭

邗上病復作兀坐小舟觀水勢異漲悶次前韻

淹遲江上游五見初弦月炎暑鑠肌膚秋飈鐫病骨虛
舟復支枕欹側任搖兀淮揚兩水府六壩流應竭那無
賈讓謀一膜視秦越瓜皮同蝟縮烏篷不得揭兩隄薄

薪土寸寸成漫闕繪圖逾萬里無路通秦謁海客有乘
槎浮生空一筏高沙城數版坐見華屋沒誰斷支祁鎖
作橫意未歇東臯付波臣何處覓薇蕨

友人納妾

豔說藍田瑞玉抽三星當戶結綢繆誰家好女名桃葉
他日生兒字阿侯天上銀潢烏鵲夜人間海月桂花秋
紅閨大有猶憐意不向相如詠白頭

張貞母壽言

母為譙源文學配

曲江池館記論文太史傳餐待夕曛

曛曛與譙源諸君曲江文謙岸齋太史待於後樂軒每

藝馳報軒加評隲今譙源歿三十年矣

天上詔書需李賀人間公望失陳羣百

巳亥年稿

年寡鵠貧相守九月寒花晚更芬
賴有孤兒傳世澤教成他日張吾軍

衛貞母壽言

柏舟矢志為遺孤四十年來止茹荼
夜月空山悲寡鵠春風老樹叫慈烏
人間行誼稱陶侃膝下瞻依比阿奴
見說絲綸褒大節門桓雙闕壯高衢

觀禽戲者率書

鳴鉦沸耳初鏗鏗禽戲者三猴犬羊發蹤拍使會人意
重鏢赴節隨低昂五花八門縱復橫狗門狗國恣跳梁
王孫冠劍纏衣裳兜鍪劍戟森武裝婦人巾幗雜啼笑

老翁襟袖同郎當忽爾車騎馳康莊使羊如馬看騰驤
令令脫轡掉壯尾澀澀捷足較鬚長回身絕叫鉦頓止
兒曹一笑聲轟堂人間藝術故多幻真耶戲耶難推詳
羣羝人立事狡猾沐猴狗鬪爭梟張羊頭侯尉詎足數
麟閣老獼誰抗行吁噫嘻乎功人功狗誰與京西征徑
可殲戎羌

題三十持鈞竿卷放歌

為萬亭

男兒墮地事九州生年及壯當封侯竈養羊胃不足數
丹青麟閣歸獼猴鳶肩虎頭自人傑安能日操鈞竿挈
漁舟淮陰帶劍人不洗蒲伏羞一尺鱸魚有底味富春

五月披羊裘八十衰翁渭水濱不逢西伯誰見收長蛟
可射龍可屠飯牛牧豕非良謀東海投綸五十牻六鰲
貪餌爲吞鈎豈知北溟巨魚方怒飛天池擊水鯤鯨愁
丈夫縱浪與天遊釣龍有力無曲針頷珠雖睡不可偷
滄浪濯足歌悠悠君年三十曾事此即今五十將過頭
胡爲兀兀成守株烟雨七竅迷沙鷗此生歲月足可惜
人間富貴風馬牛我亦放浪人對之生繁憂囊中那無
燒燕脯側身天地心夷猶喚取天隨五湖舫筆牀茶竈
與爾恣優游

中秋夜讌聽鑰堂和韋哉韻

海天呈月破雲陰曲宴徵歌夜氣深令肅易令佳客醉
香多一任桂花侵露凝樽酒金波冷燈射頭鬢雪刺森
起步空庭話疇昔一簾清影入秋心

周茂才母壽言

寸草戀春暉冬萱茂堂北君家有賢母柔嘉著維則辛
勤閔鞠餘垂老健眠食白頭舞萊綵常見好顏色優游
七十載未覺桑榆逼膝下依阿奴尊前侍元直福履天
所相慈孝亦人力爲君詠南陔善氣滿胸臆

晚耘見招賞菊以疾不赴和見東韻

叢菊移栽斗室寬紫螯綠酒易招歡淡香晚節歸秋圃

冷蘂霜華映鷓冠品似夷清兼惠介詩宜島瘦共郊寒
頤生定擅彭錢術分乞元常幾束看

來詩引魏文帝與鍾繇書
芳菊紛然輒贈一束以助

彭祖
之術

和晚耘滁陽驢背四首

直矗矗晴巒冶水邊琅琊深翠望中妍楓林驢背新詩好
憶聽春流響釀泉

品泉沽酒旅懷清白髮秋山復此行七百餘年風景地
醉翁行樂古今情

二十年來墮世間荆溪風月總成閒環滁林壑雖娟妙
可似君家陽羨山

百里探幽悔却遲溪山遺恨每他時魚肥釀羨堪乘興
好對秋山一賦詩

初度日和看菊韻

酒社詩壇歲月寬尊罍此日集朋歡東籬媚我饒叢菊
白髮欺人滿舊冠老負幽憂甘放誕夜耽絲竹耐清寒
悲歌慷慨餘青眼漫把桑弧醉後看

雲中白鶴歌和韋哉

皎皎白鷺兮雲中三山迢遞兮滄海東翔芝田兮瑤圃
會萬里兮天風憫竹實兮饑鳳卑燕雀子蒿蓬盍舞吳
市兮乘衛軒獨高舉兮契冥鴻

答顧茂才用元韻

曩與老成游余年纔踰冠前哲謬推獎謂我文彪煥轉
燭三十年升沉一喟歎平生橋公痛歲久却如暫向與其天
父游故云
違已甘退藏多病恥安晏歲月去堂堂林壑恣徜徉心
情畏年少玉唾霏華章天章蔚雲漢照耀何喬皇郢中
誰識曲已人皆鹿鹿坐吟兼冥思百徧未云足君年纔
及壯力學成何速奇峰聳高岫千門森夏屋道從經史
適筆自韓歐獲竭來賦遠遊有目當見收充此不自止
志業追軻丘衣食以力傭賤貧非所羞行止百年中運
化隨沉浮蒼茫感家世靜悟困蹙由違心出風塵強顏

當俗流深衷爲我吐慨慷懷終古老儻啞自笑馬磨豈
堪伍虎頭故癡絕于物恒多迂王孫有祖風嗜痴到狂
瞽鳴鶴九臯聞蘭谷吐幽芬騏驎萬里足駑馬徒紛紛
啁啾燕雀飛鷓鴣摩寒雲爲訂古人交悠悠匪同羣

題錢舜舉張果見明皇圖

中條道士棲集賢銀青光祿官通佞玉真花貌嬌無主
惜哉釐降非堯年中箱紙驢鳴向天飲堇不苦一醉眠
老翁生死皆游戲夜光和璞殊茫然君不見文成壽宮
事陰秘羽衣夜醮封五利娶妻平地得主海上仙人
徒望氣又不見羅思遠孫甑生不隱衣帶却隱形馳騎

鬪石妃子笑漁陽兵甲來轟霆壓幙為戲帝太虐牛車
法駕同西征可憐富貴求長生風鈴劔棧黃幡綽羽箭
青城徐佐卿

挽崑樹三首 有引

崑樹從余讀書下榻西齋凡四年未嘗有過舉也今以病死命矣夫余
悲其早失怙恃攻苦食貧有至性而不永年不得有所成立重可悼也
賦三詩
以哀之

三年憐久病一慟竟長辭心血嘔將盡膏肓痼不支結
腸烏鳥淚鑄骨鵲鴿悲生死空相托艱難愧爾師
飲恨詩書債無家弟妹愁小年元太瘦大造夫何讐獨
行生無忝攻文死則休神傷一嗚咽老淚不能流

我負幽憂疾離羣詠索居驚心成死別寒夜眇愁予月
冷空齋被風掀破篋書為君歌楚些魂夢定焉如

月夜

高齋斗帳掩輕紗寂莫音塵此夕賒竹外寒香籠瘦影
半窗霜月早梅花

贈傅觀察

玉節驄威懋轉輸黃淮春浪靜天吳金隄一綫連三輔
畫鷁千帆到直沽書續河渠通禹貢田成桑海入函圖
風流賓佐星樓酒官閣詩成視我無

朱玉耶畫扇

古井香魂逝不還水仙妙蹟自人間清風玉骨南朝扇
粉黛輕施淡墨山

蠟梅

檀心融蠟暈寒色小堂中風味歸平甫晶明笑涪翁

甫黃山谷蠟梅詩最勝然山谷云花似梅五出而不能晶明豈未見此等花耶生香傲青女暖日荷天公瘦

勁終難狎南枝未許同

觀睢陽五老圖和歐陽文忠韻

清時長德合偷閒老去休彈貢禹冠林壑襟期何落落

丹青氣格自桓桓榮名卓犖躋遐耆

白髮優游閱歲寒遠比香山繼九老典型留與後人看

夢餘

斷隔音塵日漸深風吹黃葉響寒林香芸火冷帷書散

唳鶴聲孤夜月陰玉骨可憐無一把愁腸誰結有千尋

夢餘滋味分明在燭焰幢幢更漏沉

喜尊一至次見懷韻

記衝秋爽踏晴巒盟重烟霞歎久寒不有仙舟來剡曲

空煩塵夢繞江干名園顧曲妖姬醉古寺題詩墨瀋殘

落月啼烏今夕意霜楓猶作客船看

真江大叅過訪招同嘯山員外飲劇談懷舊次高

亭歲暮和東坡三章韻

歲宴百感生獨酌嫌無佐
請入喜君來鷄裘急充貨草
具雖云惡酒戶招其大銀箭
促踈更卜夜誰能臥粲粲
黃梅蘂寒香光照座
人生一世間聚散蟻旋磨
轉燭十五年飛沉隙駒過
坡翁岐下詠高唱更相和

容與湖山舫歲月亦云遲
軟紅京華塵羽舊香難追
鼎十年外各在天一涯
黃河清有期白髮玄何時尋常
項領兒衮衮致輕肥
高歌擊唾壺烈士生酒悲
君家貧供奉寒餓吐清辭
金石同激越志氣寧云衰

涉世更憂患心膽驚杯蛇
閉戶障圖史歲晚聊自遮
窮達亮云命知命擬云何
苦吟笑郊島凍餒空復譁
清尊

調豔曲街鼓停寒撾磊落蘇門生
玉山憑欹斜賦詩愴離別良會常
蹉跎豪吟讓二蘇壁壘相雄誇

至夜

凝陰顛屨坼重垓又報微陽一線回
農事艱難思雨雪郊壇對越肅尊壘
是年上親行南郊禮寒威取次交
初九花信頭番綻早梅醉撥爐紅成
一笑朗吟吹律起寒灰

曉起對雪二首

每怪今年暖殘冬祇自晴
玄陰歸四九密雪集三更
暎幙窗先曉封簷鳥不鳴
擁裘吾宴起牢落歲寒情
乍射登樓眼先開眺遠窗
烏薪吹不焰鶴髦興難降索

句呵殘管嘗醅撥淺缸寒篷膠凍浦猶自記空江

雪夜書感

向晦雪逾集凝雲月半明茫茫寒一色寂寂夜無聲孤
鶴筠廊影殘燈布被情五更風霰急夢繞柘塘行

寒夜

記取銷魂水檻邊竹風梅月夜寒天焚香繡被銀燈影
夢斷殘更枕手眠

除夕對酒

街鼓夜森沉祁寒閉晏陰昇平忘帝力雨雪覓天心
歲晚人空老花明酒共斟簪頭有春勝白髮莫相侵

